

**Pinngortitaleriffimmi Avatangiisinut, Aatsitassanut Ikummatissanullu Immikkoortortaqaarfittaap 26. maj 2014-imi pisortatigoortumik ammaanersiorneqarnerani Pinngortitaleriffiup siulersuisuisuini siulittaasup Gert Mulvadip oqalugiaataa.**

Asasakka qaaqqusat maanilu sulisut.

Pinngortitaleriffimmi siulersuisut siulittaasuattut matumuuna Pinngortitaleriffimmi immikkoortoqaarfittaap ammaanersiorneqarnerani ilasseqatigiinnermut uummammit pisumik tikilluaqquassi.

Immikkoortoqaarik Avatangiisinut, Aatsitassanut Ikummatissanullu Immikkoortortaqaarfimmik taaguuserneqarneqarpoq, uagullu - siulersuisut sulisullu - immikkoortortaqaarfiup pilersinneqarnera tulluusimaarutigeqaarput. Immikkoortortaqaarfiummi pilersinneqarneratigut ineriartortuarususeqarnerput ersersipparput, takutipparpullu periarfissanik nutaanik ujartuinissatsinnut minnerunngitsumillu ilisimasatta annertusartuarnissaannut piumassuseqartugut.

Immikkoortortaqaarfiup pilersinneratigut akisussaaffimmik annertuumik tigusivugut. Avatangiisit tungaasigut ilisimasalik annertusaanissamut pisussaaffiliinnaangilagut, aammali ilisimasat pisinnaasallu pilersitassagut minnerpaamik DCE-p tamakkunatigut pikkorissusaatuulli qaffasitsigissapput.

Tassami Grønlands Miljøundersøgelser-imik taaneqartarsimasup ullumikkut DCE-mik, Nationalt Center for Miljø og Energi, Aarhus Universitet-imik Kalaallit Nunaanni avatangiisinik misissuisarluni aallartissimasup pilersinneqarsimaneraniit ukiormanna ukiut 40-nngorput. Taamanikkut misissuisarnerni aallarnisaasoq suliuarsimasorlu Poul Johansen qanittukkut utoqqalilluni tunuarpoq. Taamaattumik naleqquppoq Poul Kalaallit Nunaannik minnerunngitsumillu Pinngortitaleriffimmik sullissisimanerujussua pillugu qutsavigissallugu.

GM kingusinnerusukkullu DCE ukiut 40-t ingerlanerini ilisimasarpasuaqalersimapput, ilisimasarpasuit tamakku ukiualunnguit ingerlanerini Kalaallit Nunaannut nuuginnarsinnaangilagut. Qanoq iliornissavut tamaasa eqqarsaatigeqqissaartussaavagut minnerunngitsumillu silassorissaartariaqarpugut.

Immikkoortoqaarfiulli nutaap ammarneratigut siullermik alloriarpuq. Alloriarneq Pinngortitaleriffimmut Kalaallit Nunaannullu pingaarlunilu pissusissamisoortoq. Sulilu ineriartorusuppugut, siunissamilu avatangiisit pillugit siunnersuinnermut tunngassutillit akisussaaffigilerusuppugut. Tamakkumi tungaasigut akisussaaffik allanut Kalaallit Nunaata avataaniittunut isumagitittuaannarsinnaangilarput.

Taamaattumik aningaasaateqaarfinit Oak Foundationimit VILLUM Fonden-imillu ukiuni aggersuni pingasuni aningaasaliiffineqarnerput qujamasuutigaarput. Tatiginnikkassi pakkatsisitaassanngilasi, uagutsinniillu kissaatigisasi pisinnaasarpud tamakkerlugu naammassiniassavagut.

Naggataatigut Pinngortitaleriffimmi sulisut ullumikkut angusaat pillugit pilluaqquniarpakka. Angusarsi imaannaanngeqaaq pikkorittuartaugassilu qularutiginnilara - tassuunattaq - torrallaalluarumaartusi.

Pilluarujussuaritsi minnerunngitsumillu Kalaallit Nunaat alloriarneq taanna pillugu pilluarli.

Qujanaq.